



53404

I

Mag. St. Dr.

P

Wieroskowski Stanislaus: Quaestio de uni-
tate et diversitate animae rationalis.

Biblioteka Jagiellońska



stdr0002057

QVÆSTIO

D E

V N I T A T E

&

D I V E R S I T A T E

Animæ Rationalis.

A


M. STANISLAO WIECZORKOWSKI,

Ad disputandum in Alma Vniuersitate Crac.
publicè proposita.

Mense Ianuario Die 5. Anno M. DC. XXXVI.

in Magna Aula Diui Iagellonis.

Permissu Magnifici Domini Rectoris.



C R A C O V I Æ,

In Officina Typographica Francisci Cæsarij, 1636.

000. ~~174.6.174.6.~~

IN STEMMA.



534.04-

Magna decent magnos potuit contingere maius
 Quid Patribus Posna, quàm Petre Stēma tuum?
 Ergo pios Patres iusto tuearis amore,
 Cum tibi præstetur tantus honoris amor.
 Tantus amoris honor Christo quem tu ipse dedisti,
 Ut te Clauigerum fecerit æthereum.

Andreas Białkowski,
 Phil. & Eloq. Auditor.

Amplissimo Perillustrium

E T

ADMODVM REVERENDORVM

DD. PRÆLATORVM

E T

CANONICORVM,

Cathedralis Ecclesiæ Posnaniens.

CAPITULO.

D. Dominis & Patronis Amplissimis

Perillustres & Admod. Reuerendi Domini,

DD. & Patroni Amplissimi.



Si me autoritatis Vestræ spectata amplitudo & cōscia infirmitas plurimum retrahebant à proposito meo: tamen beneuolentia Vestra & humanitas singularis nimium quàm inuitabat, ut Vos istius certaminis Philosophici quærerem Tutellares & Patronos. Cui enim potius quantacūq; illa sit industria mea sudaret, quàm illis, quorum beneficentiâ, gratiâ, & fauore eximio est sustentata? Non excidet mihi unquā Vestrorū memoria beneficiorū, & illius præstantis patrociniij, quod non solum mihi, sed Academiæ etiam Posnaniens: semper estis contestati. Plus mihi fauoris præstitistis, quàm potui mea imbecillitas, non mereri

solum sed etiā cogitare. Quia Vestra præstantissima bonitas ea in omnes est, ut ex se ceteros metiatur, neq̃ meritis quenquā, sed suo affectu & optima æstimet inclinatione. Credo ego Illustriss: illos & iam Sanctæ immortalitati cōsecratos Præsules, LVBRANSCIVM, & ROZRAZEVIVM, ad Illustrem hanc Ecclesiam Episcopalem sedem, Coloniā ex Academia Crac. deductam excitare voluisse, vel eam ob causam, ut quæ ornamento Ecclesiæ Cathedrali futura esset, etiam Vestro favore, præsidio, foueatur, defendatur. Vos enim estis loci istius lumina: totius Diœcesis post Præsulem eminentiora Capita: præstantior pars hereditatis Dñi: quibus ex tam sublimi loco intersit, minoribus quasi pupillis suis, ut benè sit providere. Quam gratiam cum Academia illa abundè semper cognovisset, ego quoq̃ exploravi singularè, cum me fauerrimè Vestris studijs beneuolentissimè semper essetis prosecuti. Quibus ego tantum me debere profiteor, quantum ab homine, post Deum, hominibus non quantivis precij deberi fas est. Per istum idcirco Vestrum in literas favorem supplex à Vobis Perillustres & Admod. Rñdi DD. postulo, ut ea beneuolentia, hoc qualecunq̃ gratitudinis meæ in Vos testimoniū accipiat, quali favore literas & homines ad eruditionem aspirantes, atq̃ Academiam Vestram & Nostram prosequi soleatis. Virite hoc incante anno & multis alijs Ecclesiæ & Patriæ florētissimi. Quod ex animo voueo & opto. Craconia Idibus Decemb. Anno 1635.

Perillustrium & Admod. Rñdarum
DD. æternū deuotus.

M. STANISLAUS WIECZORKOWSKI.

Q V Æ S T I O DE VNITATE ANIMÆ.

V. Anima Rationalis existens
forma Substantialis Corporis Or-
ganici physisi, non assistens sed
informans: ex naturæ rei ab omni
concretione materialis contagio-
nis libera: & includens Vegetati-
uam, Sensitiuam: ac totaliter in o-
mni Corpore, & qualibet illius
parte permanens: sit vna numero
in omnibus Corporibus seu sup-
positis: an verò multiplicetur ad
multiplicationem suppositorum
nec ne?

CONCLUSIO I.

Anima Rationalis est actus seu forma Substantialis & specifica corporis humani, non assistens, sed informans.

COROLLARIA.

1. *Anima Intellectiva dat esse substantiale corpori humano & actum primum, relinquens tamen ipsum in potentia ad actum Secundum, & ad esse accidentale.*
2. *Anima rationalis in homine, tam prout est forma Substantialis Corporis, quàm prout est Intellectiva, est separabilis à corpore.*
3. *Sola Anima Rationalis est substantia excorporea per se subsistens.*
4. *Anima rationalis quantum est de se, potest vel ratione libertatis, vel ratione apprehensionis vel ob alias causas cessare à sua operatione.*

CONCLUSIO II.

Anima Rationalis secundum suum proprium esse est omninò incorruptibilis ac immaterialis.

COROLLARIA.

1. *Anima humana media inter formas superiores abstr-*

abstractas & formas naturales, quæ sunt infra ipsam existens: prout communicat cum substantijs purè Spiritualibus, est principium intelligendi, & prout communicat cum Sensitiuis est principium sentiendi.

2. *Anima Rationalis semper & in quocunque statu est Spiritualis, & independens in suo esse, & conservari, à Corpore.*

3. *Anima singulorum hominum non est ex traduce, sed in ipso generationis puncto, cum materia eousq; disposita est ut ad receptionem formæ Substantialis, quæ faciat hominem ex embione sit apta, immediate à solo Deo, ex nihilo creatur, simulque toti corpori & cuilibet parti coniungitur.*

4. *Quotidie Deus novas creando animas pro necessitate, novis Corporibus benè organizatis infundit & infundendo creat.*

CONCLUSIO III.

In vno & eodem homine præter Animam Intellectiuam, non reperitur alia vegetatiua & sensitiua, realiter distincta.

COROLLARIA.

1. *In eodem homine non sunt tot formæ Substantiales, quot sunt prædicata quidditatiua, quæ de eo possunt prædicari.*

1. Ani-

2. *Anima humana includens in se eminenter formaliter vegetatiuam, Sensitiuam & alias formas, licet sit una & simplex secundum essentiam, est nihilominus multiplex virtute secundum quod est principium diuersarum operationum specie distinctarum.*

3. *Anima Rationalis non est adeò simplex ut omnimodam excludat compositionem saltem Metaphysicam quæ est, ex esse, & essentia.*

4. *Homo non est compositus simpliciter ex Anima Intellectiua & Materia nuda, sed ex Anima Intellectiua tanquam forma substantiali, & corpore misto, tanquam ex Materia.*

CONCLUSIO III.

Anima Rationalis secundum suam entitatem indiuidualem seu rationem atomam totaliter est in quauis corporis parte.

COROLLARIA.

1. *Anima Rationalis non ita est in corpore ut remex seu motor naui est in naui. Et habitator domus in domo, sed per modum forme viuæ totalitate essentie & potentie est tota in omnibus, & singulis numero partibus.*

2. *Et tamen si in corde dicatur esse principaliter iuxta Philosophum: nihilominus in omnibus corporis partibus*

bus quas informat, quippè tam homogeneis, quam heterogeneis, ipsius essentia deprehenditur.

3. *Anima Intellectiua propter suam simplicitatem & virtutem quam mediante corpore exercet, est inextensa & indiuisibilis: Vnde abscisso digito nec corrumpitur, nec se contrahit.*

4. *Sanguis, Cholera & reliqui humores, informantur eadem anima, quâ totum compositum, in quo reperiuntur.*

CONCLUSIO V.

Anima Rationalis & Intellectus non est vnus numero in omnibus corporibus, sed diuersis suppositis, assignantur diuersæ & distinctæ numero animæ, & diuersi numero Intellectus.

COROLLARIA.

1. *Erronea est Auerrois doctrina, & principijs Philosophiæ contraria quæ asserit Animam Intellectiuam esse vnâ quâ omnes homines intelligunt.*

2. *Licet multiplicatio plurium indiuiduorum sub vna specie sit ratione Materiæ non tamen arguit Animam intellectiuam esse materialem & organicam.*

B

3. Et

3. *Et tametsi habeat esse indiuiduatum in corpore
ex eius receptione in corpus, nihilominus non indiuidua-
liter & singulariter sed vniuersaliter intelligit.*


4. *Vna numero Anima dicitur altera perfectior, non
in natura specifica, sed in modo informandi & operandi.*

Omnia ad gloriam Dei Optimi Max. & Sacratif-
simæ Virginis honorem, quantumlibet exi-
gua sint cedant.



D. Augustinus in LIB. de Hæresibus.

Fecit D E V S rationalem creaturam quæ
summum bonum intelligeret, & intelli-
gendo amaret, & amando possideret, ac pos-
sidendo frueretur.



*Sub felicibus auspicijs Admodum Reuerendi Pa-
tris ac Magnifici Domini D. M. ADAMI
OPATOVII S. Theologiæ Doctoris & Pro-
fessoris, Jagelloniani Contubernij Prouisoris, ad
Aedem S. Annæ Decani: necnon Almæ
Vniuersitatis Cracouiensis Generalis
R E C T O R I S.*

R. E. C. I. S.
 Universitäts-Druckerei
 in Wien
 Johann Baptist
 Schönbauer
 Professor
 der Philosophie
 und
 der Naturgeschichte
 in der
 k. k. Universität
 Wien
 1781



Bg. 1. 7.



